

ENCARGO DE REDES DE TELECOMUNICACIÓN GALEGAS RETEGAL, S.A. A SERVIZOS AGRARIOS GALEGOS S.A. (SEAGA) PARA A REALIZACIÓN DE DIVERSAS ACTUACIÓNS PARA A ROZA DE MANTEMENTO DE DIVERSOS CENTROS DE TELECOMUNICACIÓNS PARA UN PERÍODO DE 24 MESES.

Data e sinatura dixital

REUNIDOS

Dunha parte,

REDES DE TELECOMUNICACIÓN GALEGAS RETEGAL, S.A. (en adiante RETEGAL), con enderezo a efectos de comunicacións en Edificio de Usos Múltiples, s/n Bando – San Marcos, C.P. 15820, Santiago de Compostela, A Coruña, e con CIF número A15643687, que constitúe a sociedade mercantil pública autonómica para a prestación de servizos de telecomunicacións na Comunidade Autónoma de Galicia, de forma que xestiona e explota infraestruturas, sistemas e servizos de telecomunicacións no ámbito da Comunidade Autónoma de Galicia, creada en virtude do Decreto 58/1997, do 20 de febreiro, da entón consellería de Economía e Facenda, polo que se crea a sociedade Redes de Telecomunicación Galegas Retegal, S.A.

RETEGAL ten a consideración de medio propio e servizo técnico da Administración xeral da Comunidade Autónoma de Galicia e das entidades instrumentais do sector público autonómico que teñan a consideración de medios propios para os efectos previstos na Lei 16/2010, do 17 de decembro e nos artigos 4.1.n e 24.6 do Texto Refundido da Lei de contratos do sector público, aprobado polo Real Decreto Legislativo 3/2011, do 14 de novembro.

Está representada neste acto por D^a. Maria Pilar Chapela Villanueva, con enderezo a estes efectos en Edificio de Usos Múltiples, s/n Bando – San Marcos, C.P. 15820, Santiago de Compostela, A Coruña. O fai na súa condición de Directora Xerente e Apoderada da mesma, segundo consta na escritura pública outorgada ante o Notario de Santiago de Compostela, D. José Manuel Amigo Vázquez, o día 23 de abril de 2021, co número 1.125 da súa orde de protocolo, estando a mesma debidamente inscrita no Rexistro Mercantil de Santiago de Compostela.

E, doutra parte,

SERVIZOS AGRARIOS GALEGOS S.A. (SEAGA), con domicilio social no Polígono Industrial do Tambre, Vía Marconi, 14, 15890 Santiago de Compostela, e provista de con NIF A70096557, constitúe a sociedade mercantil pública autonómica das previstas no artigo 102 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia.



Foi creada mediante o Decreto 260/2006, do 28 de decembro, da entón consellería de Economía e Facenda (DOG nº 13 do 18 de xaneiro de 2007).

SEAGA, sociedade pública adscrita á consellería do Medio Rural, ten a consideración de medio propio instrumental da Administración Galega.

Está representada neste acto por Pablo Arbones Maciñeira, con enderezo a estes efectos en Polígono Industrial do Tambre, Vía Marconi, 14, 15890 Santiago de Compostela. O fai na súa condición de apoderado, autorizado para este acto en virtude de delegación do consello de administración (reflectido no poder notarial nº 441, do Notario D. Manuel Remuñán López, do día 17 de marzo de 2010).

ÁMBITO XURÍDICO:

Primeiro. Colaboración entre entidades do sector público autonómico: Que, a *Lei 14/2013, do 26 de decembro, de racionalización do sector público autonómico* introduce nos seus artigos 8 e 9 a figura dos catálogos de medios e prestacións susceptibles de ser obxecto de cooperación, colaboración e asistencia no ámbito interno do sector público autonómico.

Segundo. Que, no DOG número 7 do 13 de xaneiro de 2015, publicouse a *Resolución do 17 de novembro de 2014, da secretaría xeral Técnica da Consellería de Presidencia, Administracións Públicas e Xustiza, pola que se ordena a publicación do Acordo do Consello da Xunta do 18 de setembro de 2014 polo que se aproba o Catálogo de medios e prestacións susceptible de autoprovisión e se toma razón das subministracións, obras, servizos e calquera outra prestación susceptible de contratación centralizada.*

O citado catálogo recolle entre os servizos ou prestacións obxecto de autoprovisión os servizos en materia agraria, forestal, ambiental, animal e mariña a prestar por **Servizos Agrarios Galegos, S.A. (Seaga).**

O artigo 8.4 da Lei 14/2013, establece que "*para os medios e prestacións incluídos no catálogo, só poderá acudirase á contratación externa cando a autoprovisión non resulte viable, por non poder ser cumpridamente satisfeitas por outros órganos ou entidades instrumentais do sector público as necesidades que se pretenden cubrir, mediante algún dos procedementos de colaboración indicados na presente lei, pola insuficiencia, carencia ou inadecuación dos medios dos que dispoñan*".

Así mesmo, o Acordo Cuarto da *Resolución do 17 de novembro de 2014, da secretaría xeral Técnica da consellería de Presidencia, Administracións Públicas e Xustiza, pola que se ordena a publicación do Acordo do Consello da Xunta do 18 de setembro de 2014 polo que se aproba o Catálogo de medios e prestacións susceptible de autoprovisión e se toma razón das subministracións, obras, servizos e calquera outra prestación susceptible de contratación centralizada,* recolle outros instrumentos e procedementos que, de maneira común e voluntaria, se establezan como un dos instrumentos de cooperación, colaboración e asistencia.

Terceiro. A Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo



e do Consello 2014/23/UE e 2014/24/UE, do 26 de febreiro de 2014 (en diante LCSP), no seu artigo 31 *"Potestad de auto organización e sistemas de cooperación pública vertical e horizontal"*, regula a cooperación entre entidades pertencentes ao sector público mediante o emprego de encargos e/ou convenios de colaboración, no primeiro caso dando cumprimento ao establecido no artigo 32.

Cuarto. A Lei 16/2010, do 17 de decembro, de organización e funcionamento da administración xeral e do sector público autonómico de Galicia, establece no seu artigo 48, *"En particular, cando as encomendas sexan efectuadas por outros medios propios da Administración da Comunidade Autónoma que non estean baixo a tutela funcional da consellería ou departamento ou adscritos a estes, deberá autorizalas previamente."*

Quinto. Os propios Estatutos de SEAGA, establecen a súa consideración de *"medio propio e instrumental e de servizo técnico da Administración xeral da Comunidade Autónoma de Galicia e das entidades instrumentais do sector público autonómico."*

Sexto. No que respecta ao IVE aplicable, o artigo 7.8.C) da Lei 37/1992, do 28 de decembro, do Imposto do valor engadido, na súa redacción actual (introducida por medio da Disposición final décima da Lei 9/2017, do 8 de novembro, de Contratos do Sector Público, pola que se traspón ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, e que entrou en vigor o 10 de novembro do 2017) establece o seguinte:

Non estarán suxeitos ao imposto os servizos prestados en virtude dos encargos executados polos entes, organismos e entidades do sector público que ostenten, de conformidade co establecido no artigo 32 da Lei de Contratos do Sector Público, a condición de medio propio personificado do poder adxudicador que ordenou o encargo, nos termos establecidos no referido artigo 32.

Pola súa banda o artigo 11 da Lei 37/1992 dispón que *"Para os efectos do imposto sobre o valor engadido, entenderase por prestación de servizos toda operación suxeita ao dito tributo que, de acordo con esta lei, non teña a consideración de entrega, adquisición intracomunitaria ou importación de bens"*.

O concepto de entrega de bens atópase no artigo 8 da lei 37/1992 e as operacións asimiladas á entrega de bens detállanse no artigo 9.

As actuacións que constitúen o obxecto do encargo non teñen a consideración legal de entrega de bens nin se atopan entre as prestacións de servizos en todo caso suxeitas ao imposto.

EXPOÑEN



Primeiro. Que Retegal, como operador de redes de comunicacións, ten entre os seus principais obxectivos a prestación dos servizos esenciais de telecomunicacións con elevados índices de calidade e continuidade. Entre estes servizos destacan especialmente, pola súa repercusión e interese social, os servizos de difusión de TDT, os servizos de banda larga, a operación e mantemento da Rede de Vixilancia dos Espazos Forestais de Galicia e os servizos para a Rede Dixital de Seguridade e Emerxencias de Galicia (RESGAL), entre outros.

Para elo, dispón dunha rede de infraestruturas físicas de telecomunicacións compostas de parcela, torre, caseta e acometida dispersas por todo o territorio da Comunidade Autónoma de Galicia. Para manter a rede en normal estado de conservación e mantemento, é necesario realizar unha serie de labores de limpeza, rozado e mantemento do entorno dos centros que requiren persoal especializado do que RETEGAL non dispón. Os centros de telecomunicación encóntranse en zonas elevadas e de difícil acceso, para os que se fai precisa a realización dos servizos de roza e mantemento da contorna, que non interfiran nos servizos prestados desde os centros de telecomunicación e que permitan o acceso aos técnicos de RETEGAL en condicións de seguridade.

Segundo. Que, a SEAGA correspóndelle a realización todo tipo de actuacións, obras, traballos e prestación de servizos en materias forestais, especialmente as relacionadas coa prevención e loita contra os incendios forestais en particular e, en xeral, intervencións de carácter urxente relacionadas cos lumes forestais.

Que, a realización de traballos de roza, poda e mantemento para a conservación dos centros pode realizarse por SEAGA, que ten entre os seus fins e obxectivos a realización de traballos forestais de similar natureza, polo que estímase que a citada sociedade mercantil pública autonómica ten acreditada a solvencia suficiente para a realización dos traballos previstos.

Terceiro. SEAGA certifica o seu carácter 100% público, así como a súa consideración de medio propio e ente instrumental e de servizo técnico das entidades instrumentais do sector público autonómico e o cumprimento do artigo 32 da LCSP, na súa consideración de medio propio encargado.

Cuarto. Medios e recursos: Por razóns de eficacia, así como pola insuficiencia de medios de RETEGAL para levar a cabo a execución dos traballos referidos, e en virtude das disposicións vixentes en materia de autoprovisión e considerándose xuridicamente procedente o establecemento deste sistema de colaboración, e de conformidade co disposto polo artigo 14 da Lei 14/2013, do 26 de decembro, as partes acordan a formalización dun Acordo de colaboración suxeito ás seguintes

CLÁUSULAS

1º. Obxecto. A realización dos traballos de roza, poda e mantemento para a conservación, con tratamento fitocida de 368 centros de telecomunicacións xestionados por RETEGAL.



2º.Facultades derivadas do presente acordo. Para posibilitar unha xestión eficaz do acordo, SEAGA dispón das facultades necesarias para elaborar e executar obxecto do presente acordo, que será desenvolvido con respecto ás liñas xerais definidas por RETEGAL e, en particular, coa supervisión da Comisión de Seguimento establecida ao efecto.

SEAGA, como responsable da execución, establecerá as actuacións necesarias, no marco aprobado, no seu caso, pola citada Comisión de Seguimento.

Neste senso, SEAGA presentará a RETEGAL, para a súa aprobación, as accións concretas referentes ás actuacións a acometer para materializar o obxecto do encargo.

3º.Orzamento- O importe máximo do investimento previsto para as actuacións contempladas nesta acordo de colaboración é de **DOUSCENTOS ONCE MIL SEISCENTOS TRINTA E DOUS EUROS CON SETE CÉNTIMOS DE EURO (211.632,07.-€).**, con cargo aos orzamentos de RETEGAL.

Por outra parte, o artigo 43.3.e) da Resolución do 5 de febreiro de 2013, da secretaría xeral Técnica e do Patrimonio da consellería de Facenda, pola que se ordena a publicación da modificación dos estatutos da empresa pública de Servizos Agrarios Galegos, S.A. (Seaga), autorizada por Acordo do Consello da Xunta de Galicia do 13 de setembro de 2012, establece que *Os recursos económicos da empresa pública estarán constituídos polas remuneracións derivadas da prestación de servizos ou pola realización de actuacións que lle sexan encomendadas, de conformidade co seu obxecto social, pola Administración galega, os seus organismos autónomos ou entes dependentes, ou, se é o caso, calquera outra Administración pública.*

Neste senso, e de acordo co establecido no artigo 50.3 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, establécese unha porcentaxe dun 6% como compensación polos gastos de xestión que asumirá SEAGA en execución dos traballos do presente acordo.

CONCEPTO	BASE
Actuacións encargadas	199.652,90 €
6 % gastos xestión	11.979,17 €
TOTAL ENCARGO:	211.632,07 €

A retribución fíxose por referencia a tarifas aprobadas pola entidade pública da que depende SEAGA.

Por todo o exposto, os traballos previstos neste encargo á Empresa Pública SEAGA, (que ten a consideración de medio e servizo técnico da Administración), non están suxeitos ao IVE.



A retribución fíxose por referencia a tarifas aprobadas pola entidade pública da que depende SEAGA, segundo **o enlace da cláusula 8 do presente encargo**.

4º. Réxime de contratación de SEAGA con terceiros.- A execución dos traballos será realizados polos seus propios medios, de conformidade coas prescricións contidas no presente acordo e se considera parte integrante e inseparable do mesmo.

Para a realización destes traballos, SEAGA porá a disposición deste acordo os medios humanos e materiais necesarios para a normal execución dos traballos, a tal fin a dirección xerencia da SEAGA fará a adscrición do persoal necesario para levalos a cabo.

En ningún caso, o acordo de colaboración suporá a existencia dunha relación laboral entre RETEGAL e o persoal que presta os seus servizos en SEAGA.

Sen prexuízo do anterior, SEAGA poderá realizar as adquisicións e encargar os servizos externos necesarios para lograr os obxectivos establecidos, estes últimos sempre e cando non conte cos medios precisos para levalos a cabo. Os contratos que deba celebrar SEAGA para a realización dos traballos obxecto do presente encargo quedarán sometidos ao LCSP, nos termos que sexan procedentes de acordo coa natureza da entidade que os celebra e ao tipo e contía dos mesmos.

SEAGA terá que contratar segundo o establecido no artigo 32.7 da Lei 9/2017 de contratos do sector público.

a) Contratación.

SEAGA iniciará e aprobará os correspondentes expedientes de contratación, nos termos previstos na lexislación de contratos do sector público e contará tamén coa información facilitada por RETEGAL, dentro do marco aprobado polo Director Técnico e/ou Responsable de execución do encargo.

Corresponderá a SEAGA a tramitación, adxudicación e formalización dos contratos, tendo en conta que dispón de suficientes medios técnicos especializados na materia obxecto deste Acordo.

SEAGA asumirá a constitución do vínculo contractual cos contratistas e o seu pagamento con cargo aos seus propios orzamentos.

Corresponde a SEAGA a execución dos contratos. Os contratistas quedarán obrigados só ante SEAGA, quen asumirá a total responsabilidade na execución da contratación fronte a RETEGAL.

5º. Pagamento.- Procedemento para o pagamento dos gastos derivados da execución dos traballos. O abono dos importes correspondentes aos investimentos realizados farase do xeito seguinte:

De acordo co establecido no artigo 50 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, poderán concederse anticipos nos termos recollidos, no seu caso, nos encargos. No presente acordo non se prevén anticipos do



orçamento total da anualidade para permitir soportar os gastos iniciais da xestión.

A xustificación das actuacións do acordo de colaboración, comprenderá a realización dunha ficha por emprazamento na que se introduzan e certifiquen os conceptos e cantidades empregadas para a adecuación do acceso a cada centro.

SEAGA estará obrigada a xustificar o 100% do importe executado do acordo no momento en que estean rematados os traballos.

6º. Comisión de Seguimento.- Establécese unha Comisión de Seguimento do acordo de xestión, composta por tres membros, presidida polo director técnico de RETEGAL, da que formarán parte un membro por parte de RETEGAL e outro por parte de SEAGA.

Corresponderalle á Comisión de Seguimento definir e aprobar o plan de actuacións a realizar en desenvolvemento do establecido no acordo de colaboración, así como supervisar a execución dos proxectos.

No marco das súas competencias, a Comisión de Seguimento poderá acordar modificar as accións previstas no plan de actuacións, co fin de adecualas ao correcto cumprimento dos obxectivos previstos, así como, de ser o caso, variar a orde e os prazos das accións previstas no plan de actuacións, mediando unha xustificación técnica razoada. En ningún caso, as modificacións referidas suporán un incremento do orzamento máximo global previsto na cláusula 4ª, nin unha ampliación do prazo de execución e xustificación das actuacións previstas neste acordo.

Adicionalmente ás funcións previstas no presente acordo de colaboración, a Comisión de Seguimento resolverá os problemas de interpretación e o cumprimento que se deriven do mesmo.

7º. Protección de datos.

1. Responsable do tratamento dos datos persoais

- Identidade: Redes de telecomunicación galegas Retegal, S.A.,
- Enderezo: Complexo de San Marcos – Edificio Usos Múltiples, 15820 Santiago de Compostela – A Coruña; www.retegal.gal.
- Teléfono: 981 546 723
- Correo electrónico: retegal@retegal.es
- Datos de Contacto do Delegado de Protección de Datos (DPD): rxpd@retegal.gal.

2. Finalidade do tratamento

Os datos de carácter persoal serán tratados e incorporados a esta actividade de tratamento coa finalidade de tramitar os convenios e daqueles outros instrumentos de colaboración, así como dos encargos de xestión nas materias de competencia.



3. Conservación de datos

Os datos persoais conservaranse durante o tempo necesario para cumprir coa finalidade para a que se solicitan e para determinar as posibles responsabilidades que se puidesen derivar da finalidade, cumprindo polo menos co tempo mínimo de conservación da información, ademais dos períodos establecidos na normativa de arquivos e documentación.

4. Lexitimación para o tratamento de datos

A licitude para o tratamento dos datos baséase no cumprimento dunha obriga legal e dunha misión de interese público ou no exercicio de poder públicos. A base xurídica fundaméntase na Lei 16/2010, de 17 de decembro, de Organización e funcionamento da Administración Xeral e do sector público autonómico de Galicia, Lei 40/2015, de 1 de outubro, de Réxime xurídico do sector público, Lei 1/2016, de 18 de xaneiro, de Transparencia e bo goberno e Decreto 126/2006, de 20 de xullo, polo que se regula o Rexistro de Convenios da Xunta de Galicia.

5. Comunicación de datos

Retegal poderá comunicar os datos ao Consello de Contas, Consellería de Facenda e Administración Pública e publicar en páxinas web, boletíns oficiais e outros medios de comunicación institucional.

6. Dereitos de SEAGA

A normativa de protección de datos permite que poida exercer ante Redes de telecomunicación galegas Retegal, S.A., como responsable do tratamento, os seus dereitos de acceso, rectificación, supresión ("dereito ao esquecemento"), limitación do tratamento, portabilidade, oposición e de non ser obxecto de decisións individualizadas.

- **Acceso:** a obter confirmación de se se están tratando ou non datos persoais que lle concirnen e, en tal caso, dereito de acceso aos seus datos persoais
- **Rectificación:** a solicitar a rectificación dos seus datos persoais que sexan inexactos
- **Supresión:** a solicitar a súa supresión (dereito ao esquecemento) cando, entre outros motivos dos previstos no RXPd, os datos xa non sexan necesarios para os fins que foron recollidos.
- **Limitación do tratamento:** a solicitar a limitación do tratamento dos seus datos nos termos previstos no RXPd, cando o tratamento estea baseado no consentimento, nun contrato ou se efectúe por medios automatizados.
- **Portabilidade dos datos:** a recibir os datos persoais que lle incumban, que facilitase ao responsable do tratamento, nun formato estruturado, de uso común e lectura mecánica, e a transmitilos a outro responsable do



tratamento sen que o impida o responsable ao que llos facilitou, nas circunstancias previstas polo RXPd.

- **Oposición:** a opoñerse en calquera momento ao tratamento dos seus datos, en determinadas circunstancias e por motivos relacionados coa súa situación particular.
- A non ser obxecto dunha decisión baseada unicamente no tratamento automatizado, incluída a elaboración de perfís, que produza efectos xurídicos ou lle afecte significativamente de modo similar.

Poderá exercer estes dereitos, na forma legalmente prevista, ante Redes de telecomunicación galegas Retegal, S.A., Complexo de San Marcos – Edificio Usos Múltiples, 15820 Santiago de Compostela – A Coruña, rxpd@retegal.gal. Este correo electrónico proporciónase para poder realizar consultas ou obter información sobre como poder exercer os seus dereitos. Non é un medio válido para exercer os devanditos dereitos se non hai un sistema de firma ou certificado electrónico asociado que permita identificar e acreditar á persoa que exercita e asina a solicitude de exercicio de dereitos (interesado, representante legal ou voluntario).

7. **Reclamación** ante a Autoridade de Control: Poderá presentar unha reclamación ante a Autoridade de Control competente en materia de Protección de Datos, especialmente cando non obtivese satisfacción no exercicio dos seus dereitos, mediante escrito dirixido á Axencia Española de Protección de Datos, C/Jorge Juan nº 6, 28001 Madrid ou ben accedendo á súa sede electrónica: <https://sedeagpd.gob.é/sede-electronica-web/>.

8. Obtención de datos

Do propio interesado, representantes legais, administracións públicas, entidades privadas.

- 8º. **Estudo económico e de mercado.-** Partindo da existencia dunhas tarifas aprobadas de Servizos Agrarios Galegos, S.A. en mercado e referenciadas segundo o documento: http://212.51.53.216/pdf/Transparencia/tarifas/TARIFAS_SEAGA_VIXENTES.pdf

Segundo o establecido neste documento, para a redacción das tarifas utilizáronse como prezos de referencia as seguintes fontes de información:

- Base Agroforestal de Galicia, desenvolvida polo ITG.
- Base de Infraestruturas, facilitada pola Dirección Xeral de Estruturas e Infraestruturas Agrarias.
- Base de Montes, facilitada pola Dirección Xeral de Montes e Industrias Forestais.
- Outras Bases de prezos.

- 9º. **Vixencia.**





O presente acordo entrará en vigor o día seguinte da súa formalización e terá unha duración de 24 meses.

Por Redes de Telecomunicación
Galegas Retegal, S.A.

Por Servizos Agrarios Galegos S.A.

Maria Pilar Chapela Villanueva
Directora Xerente

Pablo Arbones Maciñeira
Apoderado

